



20. oktober 2010

Inatsisartut Suleriaasianni § 36, imm. 2 naapertorlugu naalackersuisunut apeqqu matumuuna imaattoq saqqummiuppara:

Naalackersuisunut apeqqu:

Nunarsuatsinnut 2013-imi annertoorujussuarmik seqernup anitsinissaa pillugu, Naalackersuisut iliussissanik pilersaaruteqarnerlutik?

(Inatsisartunut ilaasortaq Doris Jakobsen, Siumut)

Tunngavilersuut:

Naatsorsuutigineqarpoq 2013-imi, seqinerput qinngornerminik anitserujussuassasoq Europa-mut USA-mullu annertuumik eqquisussamik. Seqinersuatta taamatut anitsinissaa nunarsuatsinni paatsiveerutsitsissasoq aammalu unittoortitsissasoq siulittuutigineqarpoq.

Taamatut pisoqartarnera ukiut 100-kkaartarpoq, kingullermik taamatut pisoqarpoq 1859-imi. Taamanikkut USA-mi Europa-milu telegraf-imik attaveqarnek unitsippaa. Ingenøren-imitaaq eqqaaneqarpoq ukiuni kingullerni 20-imi seqernup anitsineratut ittumik pisoqartartoq. Soorlu 1989-imi seqinitta anitserujussuarnerata kingunerisaanik Canada-mi illoqarfissuit ilaat Quebec kallorip innera eqqugaasoq. Kingullermik nunarsuatsinnut seqernup anitsineratut assigusumik pisoqarpoq 2. april 2001.

National Academy Of Science nalunaarutaani oqaatigineqarpoq, seqernup anitsinerata ajornerpaaffiani nunarsuarmi paatsiveerunneqarsinnaasoq aammalu aallarnisaaqqinnissaq akisoorujussu-angorsinnaasoq allaat 2 billion dollars tassa 10.000 milliard kr-inik akeqarsinnaalluni.

National Academies Press Amerika-mi nalunaarutaani, allaaserineqarpoq ajunaarnersuaq, 2013-imi pinissaa naatsorsuutigineqartoq. Kisianni ersarissaatigineqarluni taamak ajortiginngitsoq, annaanqarsinnaanani. Tassami nalunaarummi allassimavoq, maannangaaq seqernup anitsinissaanut ulapungaarsimanissamut piareersarsinnaasugut.

Imatut isumaqarpoq, nunarsuatsinni kallorip innerani aqquiti soorlu internetsi, telefon-illu aqquai qaammatini arlalinni unittoorsinnaasut, ilaatigut NASA taamatut oqariartuuteqarpoq.

Innuttaasut angallattullu ajunaarnersuartut ittumik eqqugaasinnaapput. Kisianni nalunaarusiami oqaatigineqarpoq, sunniutissai unitsinneqarsinnaasut ajornartorsiut pisortanit eqqumaffigineqarpat, angallanneq maannangaaq pitsanngorsarneqarsinnaasoq malitsigisaanillu silaannakkut attaveqaatit aamma pitsanngorsarneqarsinnaallutik.

Taamaammat seqernup anitsinissaa anigorluarneqarsinnaasoq naatsorsuutigineqarsinnaavoq.

National Academies Press nalunaarusiaa aammalu NASA-p innersuussutai tunngavigalugit, Naalackersuisunut apeqqu teqaatigerusuppara 2013-imut iliussissanik pilersaaruteqartoqarnersoq?